

## **Kalaallit Nunaata Radioa**

Issortarfimmut 1

Postboks 1007

3900 Nuuk

**CVR-nr. 25 03 34 34**

## **Ukiumoortumik naatsorsuutit 2019**

**Årsrapport 2019**

## **Imarisai**

	<b><u>Qup.</u></b>
Suliffeqarfik pillugu paasissutissat	1
Aqutsisut uppersaanerat	2
Kukkunersiuisup kinaassusersiortuunngitsup uppersaanera	3
Aqutsisut nalunaarutaat	6
Naatsorsuinermi periuseq atorneqartoq	14
2019-imi angusat naatsorsorneqarnerat	15
Oqimaaqatigiissitsineq 31.12.2019	16
Ilanngussat	18

## **Suliffeqarfik pillugu paasissutissat**

### **Suliffeqarfik**

Kalaallit Nunaata Radioa

Postboks 1007

3900 Nuuk

Kommuni angerlarsimaffigisaq: Kommuneqarfik Sermersooq

Telefon: + 299 361500

Telefax: + 299 361502

Internet: [www.knr.gl](http://www.knr.gl)

E-mail: [info@knr.gl](mailto:info@knr.gl)

### **Siulersuisut**

Sofie Sandgreen

Frits Overballe

Inga Dora Gudmundsdottir Markussen

Jørgen Chemnitz

Ivíngrak' Storch Høegh

### **Qullersaqarfik**

Karl-Henrik Simonsen, pisortaq

Kukkunersuiusut Deloitte Statsautoriseret Revisionspartnerselskab

Siulersuisut ataatsimiinneranni akuerineqartut, ulloq

### **Ataatsimiinnermi aqutsisoq**

---

## Aqutsisut uppersaanerat

Kalaallit Nunaata Radioata ukiumut nalunaarutaa ukiumi naatsorsuuseriffiusumi 1. januar – 31. december 2019, atuuttoq, ullumi ulloq Qullersaqarfimmit suliarineqarpoq akuersissutigineqarlunilu.

Ukiumut nalunaarut saqqummiunneqarpoq Kalaallit Nunaanni Namminersorlutik Oqartussani missingersuusi-orneq, naatsorsuuserineq aamma naatsorsuutininik saqqummiussineq pillugu inatsisit qaqugukkulluunniit atuuttut naapertorlugit. Naatsorsuuserinermi periuseq atorneqartoq naleqquttutut isigaarput, taamaalilluni ukiumut nalunaarut suliffeqarfiup pigisaanik aamma akiitsuinik, aningaasaqarnikkut inissisimaneranik kiisalu angusaanik eqqortumik takutitsivoq.

Uagut paasinnittaaserput naapertorlugu aqutsisut nalunaarutaat pissutsinik nalunaarummi eqqartorneqartunik eqqortunik takutitsivoq.

Ukiumut naatsorsuutit Naalakkersuisunit akuerineqartussanngorlugit innersuussutigineqarput.

Nuuk, ulloq 25.03.2020

## Qullersaqarfik

Karl-Henrik Simonsen,  
pisortaq

## Siulersuisut

---

Sofie Sandgreen  
Siulittaasoq

---

Frits Overballe

---

Inga Dora Gudmundsdottir  
Markussen

---

Jørgen Chemnitz

---

Ivinguak' Storch Høegh

## **Kukkunersuiusup kinaassusersiortuunngitsup uppernarsaanera**

### **Naalackersuisunut**

Kalaallit Nunaata Radioata ukiumut naatsorsuseriffiusumut 1. januar – 31. december 2019 ukiumut naatsorsuutaasa kukkunersiorneqarnerannik ingerlatsivugut, taakkua imaraat angusat nalunaarsorneqarnerat, oqi-maaqatigiisitsineq aamma ilanngussat, tassunga ilanngullugit naatsorsuusiordermi periuseq atorneqartoq.

Uagut paasinnittaaserput naapertorlugu ulloq 31.12.2019 ukiumut naatsorsuutit suliffeqarfiup pigisaanik, aki-itsuinik aamma aningaasaqarnikkut inissisimaneranik eqqortumik takutitsipput, kiisalu suliffeqarfiup ukiumi naatsorsuseriffiusumi 01.01.2019 - 31.12.2019 ingerlatsinermi angusai Namminersorlutik Oqartussanut missingersuusiortarneq, naatsorsuusiorderneq aamma naatsorsuutininik saqqummiussineq pillugu inatsisit qaquguk-kulluunniit atuuttut naapertorlugit suliarineqarput.

### **Inerniliussamat tunngavilersuutit**

Kukkunersuiueq ingerlapparput kukkunersuiueq pillugu nunani tamalaani periuserineqartartut, aamma pi-umasaqaatit allat taamaallaat Kalaallit Nunaanni atuuttut naapertorlugit. Uagut periutsinik pi-umasaqaatinillu taakkuninnga malinninnissatsinnut akisussaaffik kukkunersuiusut uppernarsaaneranni immikkoortumi ”Kukku-nersuiusut ukiumut naatsorsuutininik kukkunersuiordermut akisussaaffiat” allaaserineqarpoq. Nunani tamalaani kukkunersuiusut ileqqorissaarmissaannut malittarisassat naapertorlugit (IESBA-p Ileqqorissaarmissamat malitta-risassai) aamma pi-umasaqaatit Kalaallit Nunaanni atuuttut naapertorlugit uagut suliffeqarfimmut tunngatillugu kiffaanngissuseqarpugut, soorlu malittarisassanut pi-umasaqaatinullu tunngatillugu ileqqorissaarmissamat pi-susaaffiit allat naammassigivut. Uagut paasinnittaaserput naapertorlugu, kukkunersuiusut uppernarsaatissaq naammappoq aamma uagut inerniliussatsinnut tunngavissatut naleqqulluni.

### **Pissutsinik kukkunersuiordermut tunngasunik erseqqissaaneq**

Namminersorlutik Oqartussani periuseq naapertorlugu suliffeqarfiup angusanik nalunaarsuordermini missin-gersuummi kisitsisit assersuutissatut ilanngussimavai. Missingersuutit kukkunersiorneqarsimangillat.

### **Ukiumut nalunaarut pillugu aqutsisut akisussaaffiat**

Aqutsisut akisussaaffigaat ukiumut naatsorsuutininik suliaqassallutik Namminersorlutik Oqartussanut missin-gersuusiortarneq, naatsorsuusiorderneq aamma naatsorsuutininik saqqummiussineq pillugu inatsisit qaquguk-kulluun-niit atuuttut naapertorlugit. Taamatuttaaq aqutsisut akisussaaffigaat, suliffeqarfiup iluani nakkutilliinermik in-gerlatsissallutik, ukiumut naatsorsuutit kukkunernik malunnaatilinnik paasissutissiinnnginnissaat anguniarlugu suliaqarnermi pisariaqartinneqartutut nalilerneqartunik – kukkunerit taamaattut unneqqaserlunnikkut kukkun-ik-kulluunniit pisimagaluarpata paasineqarsinnaaqqullugit.

Naatsorsuutit ilaannik suliaqarnermi aqutsisut akisussaaffigaat, suliffeqarfiup ingerlaannarnissaanut pi-sin-naasaanik naliliissallutik, ingerlatsiinnarnissamat pissutsinik paasissutissiissallutik, tamassuma pisariaqarfia-tigut, kiisalu ingerlatsiinnarnissaq siunertarlugu naatsorsuorderinermi periuseq naapertorlugu naatsorsuutit ilaannik suliaqassallutik, aqutsisut suliffeqarfiup taamaatinneqarmissaannik, ingerlatsinermik unitsitsinissamik imaluunniit unitsitsinissamik siunertap saniatigut allatut iliorsinnaanermik aalajangiussaqaarsimangippata.

### **Kukkunersuiusut ukiumut naatsorsuutininik kukkunersuiorderminni akisussaaffiat**

Uagut anguniagaraarput isumannaallisaanermik qaffasissumik pilersitsissalluta, ukiup ilaanut naatsorsuutit tamakkiisut kukkusumik paasissutissiinnnginnissaat pillugu, taamaattoq peqquserlunnikkut kukkunikkulluunniit

pisimagaluarpat, aamma kukkunerisuiusutut uppersaammik inerniliussamik imalimmik tunniussissalluta. Isu-mannaallisaaneq qaffasissaq tassaavoq isumannaallissaaneq pitsaalluinnartoq, taannali qularnaveeqqutaanngi-laq kukkunerisuiusermut nunani tamalaani periutsit aamma Kalaallit Nunaannut piunasaqaatit immikkut atuuttut naapertorlugit, kukkunerisuiuserup ingerlanneqartup tamatigut kukkunernik malunnaatilinnik qulaajaanissaanut, taamaattut piunmassappata. Kukunerit malunnaatillit peqquserluttoqarnera imaluunniit kukkusoqarnera tunng-avigalugit pisinnaapput, aamma malunnaatillit isigineqarsinnaapput tupigusuutissaanngitsumik naatsor-suutigineqarsinnaappata, ataasiakkaarlutik imaluunniit ataatsimoorlutik aningaasaqarneq pillugu aalajangiussa-nut sunniuteqarpata, naatsorsuutini atuisut ukiumut naatsorsuutit tunngavigalugit aalajangiarimmatigik.

Kukkunerisuiusermut atatillugu, kukkunerisuiusermi nunani tamalaani periutsit atorneqartut aamma Kalaallit Nu-naannut piunasaqaatit immikkut atuuttut naapertorlugit ingerlanneqartumi, uagut kukkunerisuiuserup nalaani su-liassaqaarfitsinnut tunngatillugu naliliinernik ingerlatsissaagut aamma uagut suliaassaqaarfitsinnik inger-latsinitsinni qularneq atugarissavarput. Taakkununga ilanngullugit:

- Ukiumut naatsorsuutit ilaanni pingaarutilinnik kukkusunik paasissutissiisoqarsimaneranik paasiniaaneq aamma naliliineq, taakkua peqquserluttuliornikkut imaluunniit kukkuluttornikkut pisimagaluarpataluun-niit, aarlerinaatit qisuariarfigalugit kukkunerisuiusutut iliuusissamik periusissiorneq aamma ingerlatsineq, kiisalu kukkunerisuiusutut uppersaatinik pissarsineq uagut inerniliussassatsinnut tunngavissatut naam-mattutut naleqquttutullu isigisatsinnik. Peqquserlunnerit tunngavigalugit kukkunernik pingaarutilinnik paasisaqanngitsoorsinnaanermut aarlerinaat, kukkunernik pingaarutilinnik kukkunivinnit pissuteqartunit qaffasinneruvoq, peqquserluttuliornerit peqatigiinniapilunnikkut, peqquserlulluni allagaasiornikkut, piaa-raluni ilanngussinngitsoornikkut imaluunniit nammineq nakkutilliinermik atuutsitsinngitsoornikkut pisar-mata.
- Nammineq nakkutilliinermik kukkunerisuiusermut pingaaruteqartumik paasinnissaagut uagut kukkuneris-uisutut iliuuserisassagut ilusilerumallugit, taakkua pissutsinut naleqquttuussapput kisianni suliffeqarfup nammineq nakkutilliinerata pitsaassusianut naliliinertut paasineqassanngilaq.
- Isummerfigissavarput, naatsorsuuserinermik periuseq aqutsisunit atorneqartoq naleqquttuunersoq, kiisalu naatsorsuuserinermi naliliinerit aamma paasissutissat taakkununga tunngasut aqutsisunit suliarineqarsi-masut tulluurtuunersut.
- Inerniliissaagutta, ingerlatsiinnarnissaq siunertaralugu naatsorsuuserinermi periuseq atorlugu aqutsisut ukiup ilaanut naatsorsuutit suliaat naleqquttuusut, kiisalu kukkunerisuiusutut uppersaataatissat pissarsi-arineqartoq tunngavigalugu, pisut imaluunniit pissutsit annertuumik qulalersitsisinnaanersut, suliffeqarfup ingerlatsinerata nangingeqarsinnaaneranut. Inerniliigutta annertuumik qularnartoqartoq, uagut kuk-kunerisuiusutut uppersaanitsinni tamanna malugeqqussavarput ukiup ilaanut naatsorsuutini paasissutis-siinnikkut imaluunniit, paasissutissat taakkua naammaginangippata uagut inerniliussarput allanngortissa-varput. Uagut inerniliussarput kukkunerisuiusutut uppersaanermik tunngaveqarpoq, taanna uagut kuk-kunerisuiusutut uppersaanitta ullua tikillugu atuuppoq. Taamaattoq siunissami pisut imaluunniit pissut-sit nassataannik, suliffeqarfik ingerlatsinerminik nangitsisinnaanngilaq.
- Ukiup ilaanut naatsorsuutini saqqummiussineq tamakkiisup, ilusilerneqarnera aamma imarisai naliliiffi-gissavagut, taakkununga ilanngullugit ilanngussatut paasissutissat, kiisalu ukiup ilaanut naatsorsuutini aningaasanik nuussinerit aamma ima iluseqartumik pisutsinik eqqortunik saqqummiunerat.

Aqutsisut qullersaat attaveqarfigisassavagut ilaatigut kukkuniuinerup pilersaarutigineqartup annertussusia aamma qaqugukkut pinissaanut tunngatillugu, kiisalu kukkuniuisutut isiginiakkat pingaarutillit pillugit, tassunga ilanngullugit uagut kukkuniuinitinni nammineq nakkutilliinermi amigaataasinnaasut malunnaatillit paasisavut pillugit.

### **Aqutsisut nalunaarutaat pillugu oqaaseqaat**

Aqutsisut aqutsisut nalunaarutaannut akisussaasuupput.

Uagut inernilivugut ukiup ilaanut naatsorsuutit aqutsisut nalunaarutaannut tunngassuteqanngitsaq, aamma aqutsisut nalunaarutaata isumannassusianut inerniliussamik qanorluunniit ittumik saqqummiussinngilagut.

Uagut ukiup ilaanut naatsorsuutinin kukkuniuinitinnut atasumik, akisussaaffigaarput aqutsisut nalunaarutaannik atuaassalluta aamma tassunga atasumik eqqarsaatersuutigissallugu, aqutsisut nalunaarutaat ukiup ilaanut naatsorsuutinin pingaarutilitsigut imminut ataqatigiinngissuseqarnersaq imaluunniit uagut kukkuniuinitinnit ilisimalikkatsinnut allatulluunniit kukkusumik paasissutissiinernik imaqarsinnaanersaq.

Taakkua saniatigut uagut akisussaaffigaarput eqqarsaatersuutigissallugu, aqutsisut nalunaarutaat Namminersorlutik Oqartussat naatsorsuutinin malittarisassa at naapertorlugit piunasaqaataasunik imaqarnersaq.

Suliamik ingerlatsineq tunngavigalugu uagut paasinnittaaserput naapertorlugu aqutsisut nalunaarutaat ukiup ilaanut naatsorsuutinin naapertuuppoq aamma ukiumut naatsorsuusiortarneq pillugu inatsisini piunasaqaataasut naapertorlugit suliarineqarsimavoq. Aqutsisut nalunaarutaanni kukkunernik pingaarutilinnik naammattuugaqanngilagut.

Nuuk, ulloq 25.03.2020

### **Deloitte**

Statsautoriseret Revisionspartnerselskab

CVR-nr. 33 96 35 56

Bo Colbe

statsautoriseret revisor

MNE-nr. 24634

## Aqutsisut nalunaarutaat

Kalaallit Nunaata Radioa KNR, tassaavoq suliffeqarfik namminersortoq pisortanit pigineqartoq 1958-imi tunngavilerneqarsimasoq, radiokkut TV-kkullu aallakaatitassianik nutaarsiassanik, qaammarsaanermik, aliikkusersuiner-nik eqqumiitsulianillu imalinnik nassiussuissalluni pisussaaffilerneqarsimasoq. KNR, Radiukkut tv-kkullu aallakaatitsisarneq pillugu Inatsisartut Inatsisaat nr. 7, 8. juni 2014-imeersoq, Radiumi tv-milu pilerisaarutit aal-lakaatitassanillu aningaasalersuisarnerit pillugit Namminersornerullutik Oqartussat nalunaarutaat nr. 8, 5. juli 2006-imeersoq aamma minnerunngitsumik Innuttaasunik Kiffartuussinermik isumaqatigiissut 20192022 naa-pertorlugit ingerlatsissaaq.

### Siulersuisut aamma atuisut siunnersuisooqatigiivi

Siulersuisunut ilaasortat tamarmik januaarip aallaqqaataani 2019 taarserneqarput, aamma ukiuni 4-ni atuut-tussatut toqqarneqarput. Atuisut siunnersuisooqatigiivinut ilaasortat ilaat januaarip 23-anni 2019 aamma taarserneqarput, taakkutaaq ukiuni 4-ni atuuttussatut toqqarneqarput.

### Suliat ineriartornerat

Ukiup ingerlanerani immikkoortortani assigiinngitsuni marlunni tulluuttut suliarineqarput:

### *Radio*

Radio nutaamik immiussisarfitaarpoq aamma aallakaatitassiornermi aaqqissuussivik nutaaq NXT-imik taagu-utilik atulersinneqarpoq, aaqqissuussanik sanaartortut Boffins aamma KNR-imi tusagassiortut suleqatigiillutik aaqqissuussamik ineriartortitsineq ingerlappaat. Aallakaatitassiornermik aaqqissuussiviup nutaartarai teknologi-mut atorneqartumut naleqquttuunini aamma KNR-imi aallakaatitassiornerup ingerlariaasianut naleqqussarsima-nini.

Aallakaatitassianik allannguiner-nik ingerlatsisoqarpoq. Kulturikkut aallakaatitassiaq ”Puilasooq” taamaatin-neqarpoq aamma aliikkutassaqaartitsinertut aallakaatitassiaq ”Ullukillisaarfik” aallartinneqarpoq. Radiomit aal-lakaatitassiani assigiinngitsuni marlunni sms-ikkut unammisitsinerit marluk aallartinneqarput – unammisitsine-rup aappaa nipilersukkanik aallakaatitassiami ”Appilaaruk” aappaalu ”Ullukillisaarfik-mi” ingerlasarput. Taamaaliortoqarpoq aallakaatitassianik uummarissaajumalluni kisianni aamma naalaartartunik peqataatitsiner-mik annertusaajumalluni.

Naalaartartut aallakaatitassianik takinerusunik kissaatigisaat naaperiarumallugit radiomi tusagassiortunit aqqani-linnit pingasut oqaluinnarluni radiomik aallakaatitsisar-tussanngorlugit nuunneqarput.

Junior wowow aamma Senior wowow atorunnaarsinneqarput aamma meeqqanut- inuusuttunullu aaqqissuisooqar-fiup nutaap radiokkut tv-kkullu aallakaatitassiat meeqqanut ”Alapernaatsut” aamma inuusuttunut ”Inuususserut-torama” ineriartortippaat, ilaatigut kulturi aamma oqaatsinik ilinniarneq soorluttaaq misigissutsinik passussineq pingaartillugit.



Taamatuttaaq radiomit oqallinnermik-aaqqissuisoqarfimmut "Oqalliffik" peqataasoqarpoq junimi 2019 folketingimut qinersinissamut aallakaatitsisarnerni.

2019-imi ukiup affaani kingullermi radiomi suleqatigiinneq aamma atugarissaarneq ukkatarineqarput, taamaaliorneq pitsaasunik angusaqarfiuvoq, tassunga ilanngullugu sulisut akornanni suliamik nuannarinninnerulerneq taassumallu saniatigut sulinngitsoortarnerup appariaateqarnera malunniuppoq.

Suliamut tunngasunik pikkorissarnerit, suleqatigiit ineriartornerannut pikkorissarnerit ingerlanneqarput aamma kiffartuussinnermik isumaqatigiissut tunngavigalugu avataanit tunisassianik pisiortortoqarpoq, kiisalu avataani tunisassianik anginerumaanik pisineq, soorlu meeqqanut juullimut ammartagaannik pisineq ingerlanneqarpoq.

### **Nutaarsiassat**

Nutaarsiassaqaqtitsiviup nutaarsiassanik aalajangersimasunik suliami saniatigut, 2019-ip ilarujussua aallakaatitassiornermi atortuminik pisoqalisunik taarsersuivoq, aallakaatitassiornermi teknikkikkut atortorissaarutinut ullutsinnut naleqquttunik, taamaaliornikkut nutaarsiassaqaqtitsivimmi tamarmi (KNR-imi tamarmi) maanna NXT-nik atortoqarluni sulianik ingerlatsisoqarpoq. NXT-mik suliniutip tamakkiisup nassataanik suleriaatsit aamma sulinermik ingerlatseriaatsit tamarmik misissorneqarlutik isumasiorneqaqqittariaqarsimapput – aamma sulinermi kulturi nutaaq atugaalerpoq – nutaarsiassaqaqtitsivimmiinnaanngitsoq illumili tamarmi. Aaqqissuussamik assigiimmik tamat atugaqalernerisa kingunerannik aallakaatitassiat tamarmik tamakkiisumik ilisimaneqarsinnaalernerat immikkuullarissunik periarfissiivoq, aallakaatitassiorfinni assigiinngitsuni atortunik avitseqatigiissinnaalerpugut atugaqarsinnaalerlutalu. Aaqqissuussamik nutaamik atulersitsineq ukkatarisimavarput taanna ajornartorsiuteqaqngitsumik atorneqarsinnaaqullugu.

Teknikkimik ajornartorsiuteqaqngitsumik siunertarisaq naapertorlugu ingerlatsinissaq ilaatigut unammillernarsimavoq, kisianni aaqqissuussamik nutaavimmik aamma suleriaatsinik nutaanik sungiussiniarnissamut nukissarpaaluit atorneqartariaqarsimapput.

2019-imi folketingimut qinersisoqarpoq aamma oqallinnermik aallakaatitamik nutaamik "Oqalliffik" pilersitsisoqarpoq, tassani aallakaatitsiviit pingasut ataatsikkut atorneqartussaapput, tassa Facebook, Radio aamma TV.

### **TV/Teknikki**

Ukioq atuuttoq tassaavoq KNR-ip oqaluttuarisaanerani teknologimik atukkamik allannguiffiunerpaaq, aallakaatitassiornermi soorlu tv-ikkut aallakaatitassiat aamma tv-ikkut nutaarsiassiinermi atortussiatut aaqqissuussamik assigiimmik atugaqalernerneq periarfissanik nutaavinnik pilersitsivoq, aaqqissuussaq allatanut, nipinut aamma assinut KNR-ip aallakaatitsiviini tamaginni atorneqarsinnaavoq. Aaqqissuussanit siornatigut atukkanit nutaap allaanerussutigaa, matumani atortut programii nutaat kisimik atulersinneqaqnginnerat kisianni immikkoortortat tamarmik atuisutut aamma sulinermik ingerlatsinermi pisariaqaqtitaminnik ineriartortitseqataallutik ilusersueqataagamik.

Aaqqissuussamik nutaamik atulersitsiniarluni aallartisarneq upernaakkut 2019 folketingimut qinersineq pissutigalugu kinguartinneqarpoq. Aaqqissuussaq sananeqaqqaarpoq tv-ikkut nutaarsiassanik, tv-ikkut aallaatitassanik

kiisalu aallakaatitsinermi atugassiatut. Paasinarsivoq oqaatsit marluk atorlugit nutaarsiassiornermut, webimut kiisalu radiomut aallakaatitassiornermut aaqqissuussap katiterneqarnissaanik suliassaq imaannaangitsuusoq, immikkoortorta qarfinnit kissaatigineqartut aallakaatitassiornermi sakkussanik immikkuullarissunik ataqatigiis-sunik amerlasuunik imaqarnerat pissutigalugit, taannami ineriartortinneqartariaqarpoq imaluunniit naleqqus-sarneqarluni, kisianni naatsorsuutigaarput aaqqissuussatut atugassarput aprili 2020 naammassilluni suliari-neqarsimassasoq.

KNR-TV OB-vognimik nutaamik pisaarpoq, taassuma KNR-ip illup avataani imaluunniit sineriammi aalla-kaatitsineranut atasumik nutsernermi containerit atorneqartartut pisoqat paarlatsigissavaa. Atortut nutaat ullu-mikkut tv-mut aallakaatitassianik suliaqarnermi piunasaqaataasunut katitigaanerusunut angummassinnaapput. Containerit OB-vognimut nutaamut taarserneqarnerat annermik aningaasartuutikillisaanermut eqaannerusumillu suleriaaseqarnissamut tunngassuteqarpoq.

IT-mik immikkoortorta qarfik teknologimik nutaamik atulersitsinermit atasumik qarasaasianik sulinermi ator-neqartartunik tamaginnik piginnaaneqarnerusunik atoruminarnerusunullu taarsersuivoq, taamaaliornikkut ullu-mikkut qarasaasiamit ataatsimit suliamik ingerlatsisinnaalerpugut siornatigut marluk atortalarlugit. Taamaat-tumik ukioq 2019 tassaavoq radiomi aamma tv-ikkut suliassaqarfinni annertuumik ineriartorfiusoq.

### **TV-mi aallakaatitsinermi immikkoortorta**

Kalaallit Nunaanni avataani aallakaatitassior-tut aallakaatitassiaannik pisiniartarnissamut pisussaaffeqar-neq aal-lakaatitassiat imarisaannut sunniuteqarpoq. Kalaallit Nunaanni aallakaatitassior-tartut pitsaassutsimik piuna-neqartumik tunniussisinnaasut amerlanngillat. Aallakaatitassiat avataaneersut aamma aningaasartuutunik an-gisuunik nassataqarput, aningaasartuutit nammeneq aallakaatitassior-nikkut annerujussuarmik pissarsiffiusinnaa-galuarput.

TV-mi aallakaatitsinermi immikkoortortamit aallakaatitassiat nutaat misilerneqarput ingerlaavartumillu ineri-artortinneqarput. 2019-imi aliikkutassiaq Qangattaq ineriartortinneqarpoq, aliikkutassiaq akunnermik ataatsimik minutsinillu 45-nik takissuseqartoq, aamma sineriammi illoqarfinnit arfineq-pingasunit aallakaatinneqarsinnaa-simavoq. TV-mi sulisutigut nukissat amerlineqarput, tassunga ilanngullugit aaqqissuisoq tusagassiortutut ilinni-agalik aamma aaqqissuisoqarfinni allatsi ungasinnerusumi aallakaatitassianik "Sinerissatsinnit" pisiniartarfin-nit suliartortunik pitsanngorsaassapput.

"Appiguk" tallimangornerni erinarsornermik aliikkutassiatut aallakaatinneqartartoq "Unnugiaq-p" paarlatsigaa, aallakaatitassiaq isiginnaartartunit ilassilluarneqarpoq. Aallakaatitassiap "Sinerissatsinnit" aaqqissuuss-isoqarfianik nukittorsaasorqarnerata kingorna annertuumik nutarteriffigineqarpoq, aaqqissuisoq aamma aaqqis-suisoqarfinni allatsi tv-mik aallakaatitassior-tartoqatigiit peqatigalugit kulturi inuiaqatigiillu pillugit aallakaati-tanik amerlilisinnaassapput, kingullertigut upernaakkut aamma aasakkut nangeqattaartuliorlutik.

### **2019-imi KNR-imi toqqorsiviit**

KNR-imit illutigut pisariaqartitat annertoqaat, tassunga ilanngullugit ukiut arlallit ingerlaneranni aallakaatitassi-anit radiomit bånditigineqartunut aamma tv-båndinut toqqorsiviit. Ullumikkut illutigut atugassarititaasut pit-saanerpaajunngillat, båndit karsini pappialarsuarni sumiiffinni eqqortumik kiassarneqanngitsuni imaluunniit al-

latigut isumannaarsagaanngitsuni uninngasuutigineqarput, siunissaq eqqarsaatigalugu båndit piginnarneqarsinnaanerit qularnaarsagaanngilaq. Oqaatigisinnaavarput båndit ilaat annaanneqalereermata, tassa nipitaat- aamma assitaat tammakaapput.

KNR-imit ukiuni arlalinni båndit taakkua digitalisererneqarnissaannik isumaginninniartoqarpoq, kisianni siunertamut nukissat naammaqqajangillat. Taamaattumik bånditut toqqortarpasuit - tamatta ataatsimoorluta oqaluttuarisaanitsinnut ilaalluinnartut - digitalisererneqarnissaannut KNR aningaasaateqarfinnut aningaasassarsiorluni qinnuteqaatinik ingerlatsileruttorpoq.

KNR radiomit 1958-imit teknologiip digitaliusup eqqunneqarnera tikillugu nunatsinni oqaluttuarisaanermi oqaluttuassartat ilarujussui toqqortaatigineqarput aamma tamanna tv-mut atuuppoq, tv-mi toqqorsivik 1982-imi atukkanik imaqarpoq. Taakkua saniatigut pappiaqqat radioavisimit najoqqutarineqartartut aamma ukiuni aggersuni digitaliserertussaapput.

2019-ip naajartornerani radiokkut aallakaatitassianit 21.000-iusunit 15.400 digitalisererneqarsimapput. TV eqqarsaatigalugu aallakaatitassiat 20.000 missaanniipput, båndilioriaatsit assigiinngitsut pingasut atugaralugit, taakkunanga piffissami matumani aallakaatitassiat 3.000 miss. digitalisererneqarsimapput.

Suliassat qulaani taaneqartut ingerlassinnaajumallugit toqqorsiveqarnerup pingaaruteqassusianik isuma paasineqartariaqarpoq, toqqorsivimmi nunap oqaluttuarisaaneranut ilaasut siunissamut pigiuartariaqartut pigineqarmata.

### **Sulisoqarneq:**

Sulisoqarnermik immikkoortortaqarfimmit suliffeqarfik pitsaasoq pilersikkumallugu ukiumoortumik sulisut naammagisimaarinninnerannik misissuineq aamma suliffeqarfimmik naliliinernik aallaavigineqarnerat anner-tuumik pingaartinneqarpoq. Ukiumoortumik misissuisarnerit iluaqqutigalugit suliffeqarfimmi suut pitsaanerpaa-mik ingerlanngitsut taakkorpiaat iluarsiniarlugit suliniartoqarsinnaasarpoq. Tamatuma nassataanik immik-koortortat tamarmik namminerisaminnik iliuusissatut pilersaaruteqarput sulineramik nuannarisaqarneq pitsaane-rulersinniarlugu qaffassaataasunik. Tunngavittut aqutsinermi naleqartitanik aallaaveqarneq pingaartinnia-rsimaqaarput aamma qanorluunniit iliuuseqarnitsinni suliffeqarfup naleqartitai aallaaviginiartarlugit. Taamaat-tumik immikkoortortat ilaanni sulinngitsoortarnerup affaanngortinnera angusinnaasimavarput taamaaliornik-kullu suliffeqarfimmik pitsaanerusumik pilersitsilluta.

Ukiut siuliinut assingusumik sulisut aqutsisullu piginnaasaannik ineriartortitsinermik ingerlatsisoqarpoq, su-liamut aammali inuttut piginnaasanut tunngasunik. Suliniutit nutaat ilagaat sulisut oqaatsitigut piginnaasaasa ineriartortinneqarnerat, pingaartumik kalaallisut oqaatsit eqqarsaatigalugit. Naalakkersuisut oqaatsinut siunner-sortaa peqatigalugu KNR-imi sulisut oqaatsitigut piginnaasaasa ineriartortinnissaannut iliuusissatut pilersaarum-mik suliaqartoqarpoq, aamma kalaallisut allanneq oqalunnerlu immikkut ukkataralugit suliniummik sivisune-rumaamik ingerlatsinissaq aallartinneqarpoq.

KNR oqaatsitigut unammilligassanik atugassaartitaavoq, tusagassiortutut ilinniakkamik naammassinnillutit su-lisut atorfinitsinneqartut kalaallit oqaasiinik atuisinnaanermikkut unammilligassaqaartaannarmata ajornartorsiut

angajoqqaanut aamma meeqqat atuarfiannut tutsinneqartariaqartoq. Inuusuttut sulisut amerlasuut ilinniarfinni aallartissinnaasartut oqaatsitigut piginnaasanik eqqortunik pisariaqartunik pigisaqartanngillat, innuttaasunut kif-fartuussivimmi oqaatsinik atuisinnaanermut piumasaqaataasunik nammassinnissinnaasunik.

Sulisoqarnermut immikkoortortamit aamma illuutinut akisussaaffik tigummineqarpoq, taamaattumillu amer-lasuunik aningaasaliiffigineqartut ilaat tassaavoq KNR-imi pequtit aserfallassimaqisut taarserneqarnerat. Taamaaliortoqarpoq suliffigissaanermut atasumik, tassunga ilanngullugu allaffittut atugassarititaasunik ator-luaaniarneq pequtinik assigiissaakkanik atugaqarnikkut. Suliassaqrarfiit assigiinngitsut akornanni suleqatigiin-nermik pitsaanagerusumik pilersitsiniarnermi aaqqissuisut nerriveqatigiiffiat pilersinneqarpoq taamaattumik ullu-mikkut aaqqissuisut tamarmik ataatsimut issiapput imminnut toqqaannartumik oqaloqatigiissinnaallutik.

Piffissami matumani KNR illuni attartukkani marlunni inissisimavoq, illup aappaani toqqorsiviup inissisimaffi-ani ukiut sisamassaanni sisamassaannik oquk pissutigalugu illu matuneqartariaqarpoq, tamatuma kinguneri-saanik tv-mi immikkoortortami sulisut 2019-imi novemberip aallartinneranit ”Radiop Illutaanut” nuukkallarta-riaqarlutik. Oqummik piiaanermik ingerlatsisoqarpoq suliaq taanna februaarip qeqqani naammassissangatin-neqarpoq, tamatuma kingorna TV-p Illutaanit sulianik ingerlatsisinnaanngoqqissaagut. TV-p Illutaani oqummik ajornartorsiut uteqqiasoq tunngavigalugu siunnersuineramik suliffeqarfimmik suleqateqarnissaq pisari-aqarsimavoq. Tassunga ilanngullugu nakkutilliiineq, tassami 2019-ip ingerlanerani KNR illup iluani silaan-nalummik ajornartorsiuteqarneq qanoq iliuuseqaqqullugu Suliffinnik Nakkutilliisoqarfimmit peqquneqarmat, tamanna sulisunut piffissami sivisuumi atugarliutaammat.

KNR illunut attartornermut ukiumut 5.5 mio.kr.-inik akiliuteqartarpoq.

Ukiumoortumik MTU-mik (sulisut naammagisimaarinninnerannik misissuineq) 2019-ip naanerani ingerlatsiso-qarpoq. Tassunga atasumik APV ilanngunneqarpoq (suliffeqarfiup nalilerneqarnera) taanna ukiut pingasut qaan-giukkaangaata ingerlanneqartarpoq. Misissuinerit inernerit Sulisoqarnermut immikkoortortap aamma immik-koortortat akornanni suliarineqaleruttortut, tamatuma kingorna suliassaqarfinnut ataasiakkaanut iliuusissatut pi-lersaarutit suliarineqassapput.

### **Aningaasaqarnermut immikkoortortaq**

Akuersinermut ingerlatsissut elektroniskiusoq Continia Online – decemberimi 2018 atorneqalerpoq aamma ta-assumunnga aningaasaliissuteqarneq imminut akilersinnaavoq, aningaasaqarnermut immikkoortortamut aamma aqutsisunut akiligassiissutinik akuersissuteqartussanut akuersissuteqartarnermik sukkanerulersitsivoq eqaanne-rulersitsillunilu. Naatsorsuuserinermik aqutsissut – Navision – aamma pitsanngorsarneqarpoq soorlu suliassanut suleriaatsit allaaserineqarnerat nutarsarneqartut. 2020-mi ukiup affaata aappaani KNR-imi sinniilluni pisussaati-taanermut malittarisassat nutarterneqassapput.

Ulloq decemberip 31-iat 2019 sulisut katillutik 88-iupput, taakkunanga ilinniartut 5, tusagassiortutut ilinniar-tunut 2 aamma FTP-imik ilinniartunut 3-nut agguataarsimasut. Ulloq decemberip 31-at 2018 assersuutigissa-gaanni taamani sulisut 87-iupput, taakkunanga FTP-imik ilinniartut 6.

Ukiumi akissarsianut aamma akissaatersuutitut 52 mio. kr.-it aningaasartuutaapput, akissarsianut aningaasartuutit assigaat 2019-imi isertitat 70%-iat.

Ingerlatsinermit angusat siulersuisunit naammagisimaarneqarput.

### **Aningaasaqarnermi pissutsit**

Ukiumi ingerlatsinermit angusat ersersippaat pilersaarutaasutut amigartoorutit 3.451.000 kr.-it, missingersuutigineqartumit 3.548.000 kr.-iusunut pitsaasumik nikingassut 97.000 kr.-iusoq. 2019-imut missingersuutaqaartoq akuersissutigineqarsimasoq kukkunerisiorneqarpoq siulersuisunillu maajip 16-ianni 2019 akuersissutigineqarluni.

Nikingassutit pissutsinut tulliuuttunut tunngassuteqarput:

#### **Pitsaasumik nikingassutit:**

- Isertitat allat missingersuutitut qaffasinnerupput taamaattoq SMS-init isertitat appariapiloorput ilaatigut aallakaatitassiat allanngornerannit allannguutini sms-it ilanngunneqanngimmata kiisalu innuttaasut akornanni sms-inik atuinerup appariartornera pissutigalugu.
- 2019-imi akissarsiat appasinnerupput, tassunga pissutaavoq sulisunik taarsiisoqartillugu atorfiit allanit inuttalerneqarnissaannut piffissap ingerlasinnaasarnera.
- 2019-imi akissaatersuutit appasinnerumaarput, ilaatigut aallakaatitassiat allannguuteqarnerat pissutigalugu, aallakaatit amerlanerit sineriammiissimagamik taamatullu 2019-imut akissaatersuutit amerlavallaanik missingersuusiorfigineqarsimallutik.
- Isumaqatigiissutit aamma pisussaaffiit appasinnerupput KODA aamma GRAMEX-imik naatsorsuusierneq aprilimi naammassineqassaaq.
- Illuutitut aningaasartuutit missingersuutigineqartunut assingupput. Naak KNR Issortarfik 9-mi oqumik eqqugaanermut atasumik qaammammi ataatsimi attartornermut akiliisussaannikkaluartoq, aningaasartuutit amerlanerusimapput soorlu illup silataani OB-vognimut majorallaffiliortoqarmat.

#### **Pitsaangitsumik nikingassutit:**

- Sulisoqarnermi aningaasartuutit qaffasinnerupput atorfinnit soraartut atorfinittullu pissutigalugit aamma taamaattumik nutsernermut aningaasartuutit amerlanerupput soorlu utaqqiisaasumik najugaqarallannerit pissutigalugit pigisat toqqortaasivinniitinneqarnerinut aningaasartuuteqarneq.
- Aalakaatitassiornermi aningaasartuutit missingersuutitut qaffasinnerupput. Sponsorinut aningaasartuutit missingersuusiorfigineqarsimangillat tassaasut “aallakaatitanut atasumik atisat nujalerisinnerillu akeqanngitsut” – taakkua perngaamik 2019-imi missingersuutitut ilanngunneqarput. SMS-init isertitat appariartorput aamma taamaattumik eqqugassat appariartortut.

- Allaffissornermi aningaasartuutit missingersuutigisanit qaffasinnerupput. Siulersuisut angalanerannut aningaasartuutit amerlanerupput siulersuisut tamakkerlutik taarseqarnerannut atasumik, taakkua arlallit sineriammi najugaqartuupput, siornatigut pissutsit taakkua atuutinnngillat.
- Aallakaatitassiornermi aningaasartuutit misissuinerit naatsorsuinerillu ingerlanneqarput, taakkua suliffeqarfik sinnerlugu suliaravut missingersuutit ilanngunneqarsimangitsut.
- Missingersuutigisanit biilinuut aamma taxanut aningaasartuutit qaffasinnerupput. OB-vogni pisiarineqarsimasoq naatsorsuutigisamit akisuneruvoq.
- Atortussat aamma IT aningaasartuutit missingersuutigineqartunit qaffasinnerupput. Next-imut aningaasartuutit amerlanerusimapput aallakaatitanik nassiussissutit allanngornerannit kiisalu atortut Next-imut suliniutinut naleqqussartariaqarneranni immikkut aningaasaliisoqartariaqarmat.

Naatsorsuutini nikingassut malunnaateqarnerpaaq Next-mut suliniutit naatsorsukkanit akisunerusimanerannik pissuteqarpoq.

### **2020-mi suliniuteqarfigisassanut siunnerfiit**

(KNR-ip siunnerfeqarluni pilersaarutaa "TORAAGAQ 2018-2022 takuuk")

Sammasap **Suliffeqarfik aamma Piginnaasat** ataani, Sulisoqarnermut immikkoortortap ataani ukiumut suliniutit nalinginnaasut saniatigut, soorlu sulisut naammagisimaarinninnerannik misissuinerit, aqutsisunik aamma sulisunik ineriartortitsinerit saniatigut KNR-ip naleqartitaanik malitseqartitsineq kisartortitsinerlu pilersaarutigai. Suliffeqarfimmi timikkut tarnikkullu atugassarititaasunik pitsanngorsaaneq APV naapertorlugu, kiisalu MTU-mit immikkoortortani assigiinngitsuni iliuuserisassat pilersaarutit assigiinngitsut malitseqartinneqarnerannik ingerlatsinerit. Aamma piginnaasut suut pigineqarnerannik nalunaarsuisoqassaaq ilinniartitaanermullu pilersaarut malitseqartinneqarluni.

Radiomi/tv-milu aallakaatitassanik suliaqarfissaq Next pilersaarutit naapertorlugit apriliimi 2020 naammassineqarpat nittartakkamut knr.gl-imut pilersaarut nutaaq suliarineqassaaq.

Sammasap Soqutigisallit aamma atuisut ataani, ukiumi suliniutit soorlu Isiginnaartartut & tusarnaartartut paasiniaavigineqarneri, sulisut naammagisimaarinninnerannik misissuinerit, Atuisut siunnersuisoqatigiiviniq sisamariarluni ataatsimeeqateqarnerit saniatigut Inatsisartut Kultureqarnermut Ataatsimiititaanik ataatsimeeqateqarnissat isumaqatigiissutigineqassapput kiisalu Ilinniartitaanermut, Kultureqarnermut Ilageeqarnermullu Naalakkersuisoqarfimmik ataatsimeeqateqarnerit arlallit.

Sammasap **Teknikki aamma illu tusagassiivik** ataani Radiomi teknologiimik nutaamik atulersitsinissat pilersaarut nangingneqassaaq, aamma taassuma apriliimi 2020 pissasoq naatsorsuutigineqarpoq. Tamatuma nassatarissavaa KNR-imi tamarmi teknologi aamma suliaqarfik assigiit atorlugit suliamik ingerlatsinnaalernerneq, aallakaatitassiornermi aamma aallakaatitsineri pitsanngoriaatinik angisuunik nassataqassaaq taamatullu immikkoortortat akornanni ilisimasanit avitseqatigiissinnaanermik. Aqutsisut aamma siulersuisut

tusagassiivimmik illumik nutaamik sanaartortoqarnissaata piviusunngortinneqarnissaanut suliamik nangitsissapput.

Sammissap **Kinaassuseq aamma aningaasaqarnermi sinaakktissat** ataani 2020-p ingerlanerani aningaasaqarnerup erseqqissuunera nakkutilliiffigineqassaaq, taamaaliornikkut Naalackersuisunit aningaasaliissutit KNR-imit sumut atorneqartarnersut piginnittunit aamma innuttaasunit ajornannginnerusumik takuneqarsinnaanngoqqullugit. KNR-imit båndit toqqorsivimmiittut digitaliseererneqarnerannik suliniut aallartinneqarnikuuvoq aamma tassunga atasumik aningaasaateqarfinit aningaasassarsiorsinnaaneq.

Siunnerfeqarluni pilersaarutip “Toraagaq” saniatigut siulersuisut nutaat Ilinniartitaanermit, Kultureqarnermut Ilageeqarnermullu Naalackersuisumut ulloq 24/1-2020 allagaqarput, Kalaallit Nunaanni tusagassiiviit pillugit politikkikkut aalajangiussaqaqqullugit. Saniatigut siunersuisunit malugeqquneqarpoq aningaasaliissutitut tunniunneqartut naammangitsut aamma taamaattumik Nittartakkamut aamma inuit attaveqatigiittarfiinut aningaasaliissutit amerlanerusut qinnutigineqarput innuttaasut tusagassiivinnik atueriaaseriligaat tunngavigalugu. Siulersuisut aamma isumaqarput KNR tusagassiivinnik isiginnittaaseq qanganitsersimasoq aallaavigalugu pineqartoq KNR-ip ineriartornissaanut akornutaasumik. Kingullertut minnerunngitsumillu siulersuisunit kissaatigineqarpoq, KNR-imi illutigut sinaakktissat akuerineqarsinnaanngilluinnartut pillugit Naalackersuisut isummertariaqartut aamma tusagassiivittut illu pingarnersiorneqartariaqartoq.

## **Naatsorsuinermi periuseq atorneqartuq**

Ukiumut naatsorsuutit saqqummiunneqarput Namminersorlutik Oqartussani missingersuusiorneq, naatsorsuuserineq aamma naatsorsuutitik saqqummiussineq pillugu inatsisit qaqugukkulluunniit atuuttut naapertorlugit.

Isertitat aamma akiligassat ukiumut naatsorsuuseriffiusumut tunngasut ilanngunneqarput, qaqugukkulluunniit akilerneqarsimagaluarpata.

Ukiumut naatsorsuutit saqqummiunneqarput siorna naatsorsuuserioriaatsit atorneqartut assigalugit.

### **Sanaartukkat pigisat**

Suliffeqarfiup sanaartukkanik aalajangersimasunik pigisaasa nalingat (illuutit il.il.) ilanngunneqanngillat, taakkua Nunap Karsiata naatsorsuutaanit aningaasalersorneqarlutillu akilikkatut naatsorsorneqarnerat tunngavigalugu.

Ingerlatsinermi atortut ukioq pissarsiarineqarfiat aningaasartuutitut ilanngunneqartarput.

### **Atorfilinnut aamma tjenestemandinut sulinngiffeqarnersiutit aamma pisussaaffiit allat**

Namminersorlutik Oqartussanut inatsisit nalinginnaasut atuuttut naapertorlugit atorfilinnut sulinngiffeqarnersiutitik illuartsisoqarsimangilaq.

### **Piffissakkuutaartumik inissitsitikkat**

Piffissakkuutaartumik inissitsitikkat akiitsut ataannut naatsorsorneqartut tassaapput aningaasartuutitut suli akilerneqanngitsunut tapiissutit ukiumut naatsorsuuseriffiusumut tulliuttumut tunngassuteqartut.

### **Pisussaaffiit illuartitat**

Suliffeqarfiup pisussaaffiit illuartitai tassaapput; aningaasanut inatsisip ukiuani suliffeqarfimmut piomasagaataatit, naatsorsuutitik inaarsilluni saqqummiussineq sioqqullugu piomasagaatigineqartup annerpaartaa naammassillugu naatsorsorneqarsinnaanngitsumik illuartsineq.



## 2019-imi angusat naatsorsorneqarnerat

	<u>Nass</u>	<u>Pivius. 2019 t.kr.</u>	<u>Missing. 2019 t.kr.</u>	<u>Pivius. 2018 t.kr.</u>
Tapiissutitut aningaasaliissutit	1	67.824	68.824	68.284
Isertitat allat	2	<u>5.970</u>	<u>5.879</u>	<u>7.623</u>
<b>Isertitat</b>		<b><u>73.794</u></b>	<b><u>73.703</u></b>	<b><u>75.907</u></b>
Akissarsiat aamma akissaatersuutit	3	(52.110)	(53.063)	(52.207)
Sulisoqarnermut aningaasartuutit allat	4	(2.031)	(1.686)	(1.529)
Aallakaatitassiornermi aningaasartuutit	5	(3.699)	(3.391)	(3.154)
Isumaqaatigiissutit aamma pisussaaffiit		(3.419)	(3.779)	(3.694)
Allaffissorpeq		(1.926)	(1.905)	(1.686)
Biilit aamma taxa		(916)	(837)	(482)
Atortut aamma IT	6	(6.973)	(6.319)	(7.407)
Illunik ingerlatsineq	7	<u>(6.240)</u>	<u>(6.270)</u>	<u>(5.626)</u>
<b>Aningaasartuutit</b>		<b><u>(77.314)</u></b>	<b><u>(77.250)</u></b>	<b><u>(75.785)</u></b>
<b>Aningaasaqarnermi inissitsikkat siorna angusat</b>		<b>(3.520)</b>	<b>(3.547)</b>	<b>122</b>
Aningaasaqarnermi isertitat	8	0	0	40
Aningaasaqarnermi aningaasartuutit	9	<u>(11)</u>	<u>(1)</u>	<u>(1)</u>
<b>Ukiumi angusat</b>		<b><u>(3.531)</u></b>	<b><u>(3.548)</u></b>	<b><u>161</u></b>

**Oqimaaqatigiissitsineq 31.12.2019**

	<u>Nass</u>	<u>2019 t.kr.</u>	<u>2018 t.kr.</u>
TunSAT kiffartuussinerniillu pissat	10	464	736
Pissat allat	11	672	750
Piffissakkuutaartumik inissitsikkat		47	45
<b>Pissat</b>		<u><b>1.183</b></u>	<u><b>1.531</b></u>
<b>Aningaasat tigorianaat</b>		<u><b>5.171</b></u>	<u><b>9.807</b></u>
<b>Pigisat kaaviiartitat</b>		<u><b>6.354</b></u>	<u><b>11.338</b></u>
<b>Pigisat</b>		<u><u><b>6.354</b></u></u>	<u><u><b>11.338</b></u></u>

## Oqimaaqatigiissitsineq ulloq 31.12.2019

	<u>Nass</u>	<u>2019 t.kr.</u>	<u>2018 t.kr.</u>
Ukiup aallartinnerani nammineq pigisat		6.265	6.104
Nammineq aningaasaatit, ukiumi angusat		<u>(3.531)</u>	<u>161</u>
<b>Nammineq aningaasaatit</b>		<b><u>2.734</u></b>	<b><u>6.265</u></b>
Pisussaaffiit illuartitat allat		<u>0</u>	<u>250</u>
<b>Illuartitat</b>		<b><u>0</u></b>	<b><u>250</u></b>
Pisiniartarfinnut akiitsut		787	2.171
Akiitsut allat	12	2.659	2.644
Piffissakkuutaartumik inissitsikkat	13	<u>174</u>	<u>8</u>
<b>Akiitsutut pisussaaffiit akilerasuagassat</b>		<b><u>3.620</u></b>	<b><u>4.823</u></b>
<b>Akiitsutut pisussaaffiit</b>		<b><u>3.620</u></b>	<b><u>4.823</u></b>
<b>Akiitsut</b>		<b><u>6.354</u></b>	<b><u>11.338</u></b>

## Ilanngussat

	<b>Pivius. 2019 t.kr.</b>	<b>Missing. 2019 t.kr.</b>	<b>Pivius. 2018 t.kr.</b>
<b>1. Tapiissutitut aningaasaliissutit</b>			
Aningaasaliissutit nalinginnaasut	67.824	67.824	68.284
	<b>67.824</b>	<b>68.284</b>	<b>68.284</b>
<b>2. Isertitat allat</b>			
Ussassassaaarisut	3.058	2.639	2.670
Sponsorit	50	50	0
Nalunaarutit/pilluaqussutit	1.138	940	1.365
Isertitat allat	1.724	2.250	3.588
	<b>5.970</b>	<b>5.879</b>	<b>7.623</b>
<b>3. Akissarsiat aamma akissaatersuutit</b>			
Siulersuisunut akissaatersuutit	300	300	300
Akissarsiat aamma akissaatersuutit	44.108	44.319	43.100
Akissaatersuutit	7.702	8.444	8.807
	<b>52.110</b>	<b>53.063</b>	<b>52.207</b>
Ulloq naall.atorfillit agguaqatigiissillugit amerlassusiat	<b>90</b>		
<b>4. Sulisoqarnermut aningaasartuutit allat</b>			
Atorfininnermi- aamma soraarnermi aningaasartuutit, inigigallakkat ilanng.	714	349	194
Pikkorissarneq aamma ilinniaqqinneq	770	770	866
Sulisoqarnermut aningaasartuutit allat	547	567	469
	<b>2.031</b>	<b>1.686</b>	<b>1.529</b>
<b>5. Aallakaatitassiornermi aningaasartuutit</b>			
Aallakaatitassiorluni angalanerit	1.637	1.629	1.406
Aalakaatitassiornermi aningaasartuutit allat	2.062	1.762	1.748
	<b>3.699</b>	<b>3.391</b>	<b>3.154</b>

## Ilanngussat

	<b>Pivius. 2019 t.kr.</b>	<b>Missing. 2019 t.kr.</b>	<b>Pivius. 2018 t.kr.</b>
<b>6. Atortut aamma IT</b>			
Pissarsiat	3.566	2.345	2.972
Sullinneqarnermik isumaqatigiissutit aamma pisinnaatitsissutit	1.437	1.623	1.555
IT-mik ingerlatsineq	<u>1.970</u>	<u>2.351</u>	<u>2.880</u>
	<b><u>6.973</u></b>	<b><u>6.319</u></b>	<b><u>7.407</u></b>
<b>7. Illuutiniq ingerlatsineq</b>			
Aserfallatsaaliineq	880	151	432
Illuutiniq ingerlatsineq alla	<u>5.360</u>	<u>6.119</u>	<u>5.194</u>
	<b><u>6.240</u></b>	<b><u>6.270</u></b>	<b><u>5.626</u></b>
<b>8. Aningaasaqarnermi isertitat</b>			
Aningaaserivinni uninngasuutit erniaannit isertitat	<u>0</u>	<u>0</u>	<u>40</u>
	<b><u>0</u></b>	<b><u>0</u></b>	<b><u>40</u></b>
<b>9. Aningaasaqarnermi aningaasartuutit</b>			
Ernianut aningaasartuutit allat	<u>11</u>	<u>1</u>	<u>1</u>
	<b><u>11</u></b>	<b><u>1</u></b>	<b><u>1</u></b>
		<b><u>2019 t.kr.</u></b>	<b><u>2018 t.kr.</u></b>
<b>10. Tunisinernit pissat</b>			
Pissat katillugit		<u>464</u>	<u>736</u>
		<b><u>464</u></b>	<b><u>736</u></b>

## Ilanngussat

	<u>2019</u> <u>t.kr.</u>	<u>2018</u> <u>t.kr.</u>
<b>11. Pissat allat</b>		
Inissianik attartornerni qularnaveeqqutitut akiliutit	617	617
Pissat allat	<u>55</u>	<u>133</u>
	<u><b>672</b></u>	<u><b>750</b></u>
<b>12. Akiitsut allat</b>		
A-mik akileraarutinut akiligaasat aamma AMA	1.639	1.709
Akissarsiatut soraarnerussutisianullu akiligassat	59	74
Sulinngiffeqarnersiutit	192	307
Aningaasartuutit akiligassat allat	<u>769</u>	<u>554</u>
	<u><b>2.659</b></u>	<u><b>2.644</b></u>
<b>13. Piffissakkuutaartumik inissitsikkat</b>		
Piffissakkuutaartumik inissitsikkat	<u>174</u>	<u>8</u>
	<u><b>174</b></u>	<u><b>8</b></u>